



UNIVERSITÄTS-
BIBLIOTHEK
PADERBORN

Universitätsbibliothek Paderborn

Examen Confessariorum Repetitum

Schoonaerts, Gregor

Coloniæ Agrippinæ

VD18 14542323-001

Regulæ dignoscendi peccata fragilitatis.

urn:nbn:de:hbz:466:1-41226

missurum; quia qui numquam emendationem est pollicitus, argui solum potest de continuatio-
ne sui peccati, non tamen de fracta fide; ergo
si seriò proponat, & nihil obstet, correptum ab-
solvat, adhibitâ cautelâ, ut, si reincidat, & non
dimittat, revertatur. Aliter judicandum si bis,
vel ter fidem fregerit.

C A S U S V.

Quid faciendū, dum pœnitens dicit: sum fornicatus?

R. 1. Inquirenda est personæ confitentis qua-
litas, & complicitis, an peccaverit cum virgine?
An cum persona conjugata? &c. 2. An per vim,
fraudem, & dolum virginem deceperit? 3. An
non sit gravida? Si respondeat quòd non, inter-
rogandum, unde hoc sciat? An fortè non impe-
dierit conceptionem? Quod ordinariè variis
fit modis. 4. An sæpiùs cum illa persona hoc
peccatum commiserit? Et ita ex modo confitendi
colliget confessarius, an consuetudinarius sic
adscribendus catalogo, an relabentium, an ex
fragilitate peccaverit, an ex malitia.

Regulæ dignoscendi peccata fragilitatis.

1. Si gravi illectus tentatione, vel improvisâ oc-
casione circumventus peccato succubuerit.
2. Si media ad peccatum istud, in quod antè
lapsus est, fugiendum, vel à confessario præ-
scripta, vel aliunde sibi nota adhibere studuerit.
3. Si cum renitentia, & lucta adversus tentatio-
nem cadat.
4. Ut de peccato commisso non diu post doleat.

CA-

CASUS VI.

Famulus habitans cum ancilla, filius-familias cum consanguinea in eadem domo sæpius peccant, & sine gravi incommodo separari non possunt, quid remedii ipsis præscribendum?

R. 1. Ut eliciant efficax propositum numquam conversandi simul in tenebris, aut locis secretis. 2. Ne invicem fixis aspiciant oculis, aut manus premant. 3. Illis injungat aliquam oratiunculam, quæ singulis diebus renover propositum. 4. Suadeat, ut sibi imponant aliquam pœnam toties, quoties reincident. 5. Eos hortetur, ut frequenter confiteantur, & communificent. 6. Assignet certum tempus, quo ad ipsum revertantur, nova accepturi remedia contra relapsum.

CASUS VII.

Quid faciendum cum publica meretrice, quæ indifferenter omnes ad se accedentes admiserit?

R. Ab ipsa petendum 1. Quas peccatorum species commiserit, an non contra naturam permittendo, quòd alii eam in præpostero cognoscerent. 2. An se, vel alios extra copulam non polluerit. 3. An habuerit rem cum conjugatis, cum voto castitatis Deo adstrictis &c. & quoties: si autem ob diuturnitatem, vel frequentiam præcisè numerum exprimere non posset, neque veri-similem; tunc debet exprimere consuetudinem, & tempus illius, & quoties benè in mense, in septimana, vel saltem in die, & tunc saltem aliquo modo confessarius conjecturare potest numerum. Si autem nec hoc sciret exprimere,
tunc

tunc peti debet locus, in quo se exposuit: An in magna, & populosa civitate &c. 4. An indifferenter omnes admiserit, sive fuerint conjugati, sive voto castitatis adstricti &c. 5. An esset in illa domo, in qua publicè meretrices, vel occultè, in illum finem, ut per usuram corporis lucrum acquirant, aluntur? Si dicat quòd ita, nullo modo est absolvenda, nisi domum priùs reliquerit, quia castitas vel maximè ibi periclitatur. 6. An juvenes, innocentes &c. ad peccatum non pellegerit?

CASUS VIII.

Quid faciendum cum illo, qui dicit: vixi in concubinato?

1. Petendum, num sit conjugatus, vel in sacris Ordinibus constitutus, an verò planè sit liber, etiam à voto simplici castitatis? Item an ipsius concubina sit libera, an consanguinea? &c. Quia tunc est circumstantia mutans speciem. 2. Quanto tempore vixerit in concubinato, & quanam peccata cum illa commiserit, quoties in septimana eam cognoverit &c. an non commiserit alias fœditates &c. 3. An non dederit ipsi potum sterilitatis, vel alio modo impediverit, ne prolem ex ea conciperet, & an prolem animatam per medicamenta directè non expulerit &c. 4. An concubina habitet in ipsius domo, vel non: si in eadem domo secum habitet, ordinariè non absolvendus, antequam eam ejiciat cum proposito non admittendi.

Quid si dicat, quòd non possit eam ejicere, nisi magno cum scandalo aliorum, vel sui gravi incommodo?

ꝛ. Quòd

R. Quod grave incommodum postponendum sit salutis animæ suæ. Ordo charitatis postulat, bonum conscientia præferendum esse famæ. Cæterum vix, aut raro amitti potest fama ob concubinæ expulsionem: nam vel concubinarum cognoscunt vicini, & tunc ejiciendo concubinam, nullum famæ detrimentum patietur, sed potius bonam famam acquireret: vel concubinarum ignorant, & tunc quamvis ejiciatur concubina, nulla sequetur infamia magis, quam si ejiciat aliam feminam.

Quid si incurrat concubinarum jacturam notabilem bonorum temporalium?

R. Si maneat morale relabendi periculum per cohabitationem, nec illud periculum tolli possit, amittendum potius temporale, ut salutis animæ suæ possit consulere.

§. 4. De Stupro.

STuprum dupliciter accipi potest: 1. Generaliter, & improprie, & sic significat illicitum congressum. 2. Accipitur strictè, & definiri solet: *Illicita Virginis defloratio sub cura parentis existentis.*

1. An stuprum distinguatur specie à simplici fornicatione? Notandum, certum esse, quod sit circumstantia in confessione exprimenda, si quis virginem primus violaverit.
- R. Cum communi, & probabili sententia, stuprum, etiam sine raptu, & violentia, esse specie distinctum à simplici fornicatione.

Prob,